

SARS E THIBETŠE MOGONONELWA WA GO KWEFA KA KHARENSI YO A BEGO A SWERE R13.7 MILLION

Pretoria, 27 Feberware 2019 – Baofisiri ba Khastom ba Ditirelo tša Motšhelo tša Afrika Borwa (SARS) ba thibetše mogononelwa wa go kwefa ka kharensi yo a bego a swere ditolaro tše 997 750 tša US tša go lekana le R13 798 882.00 ka Boemafofane bja Ditšhabatšhaba ka OR Tambo ka Mošupologo, 25 Feberware mantšibua.

Monamedi wa monna o be a swere mokotlana wa go bepulwa mo go yena ka sebaka seo. Ka nako ya dipotšišo tša mathomo, moofisiri o ile a dira tlhahlobo ya sebele ya mokotlana wa go bepulwa, gomme e rile a sa le gare a tšwelapele, monamedi a tiišetša gore o nameditše mokotlana o mongwe ka sefofaneng.

Baofisiri ba ile ba tšwelapele go yo utulla mokotla woo gomme ba laetša monamedi gore a lebe lefelong la go setšha la Khastom, fao a ilego a tšwelapele ka go botšišišwa.

Ka nako ya dipotšišo, o ile a dumela gore o swere kharensi ya naga ya ka ntle, eupša o lekile go ba phelela ka palo ya tšhelete. Gomme go ile gwa utullwa gore bontši bja kharensi bo be bo utilwe ka fase ga mekotlana ye mebedi.

E rile ge a palelwa ke go fa tlhaloso ya go tlhaka bakeng sa kharensi, baofisiri ba ile ba swara mogononelwa, gomme ba m o iša go Ditirelo tša Maphodisa tša Afrika Borwa (SAPS).